


TEZAU LITURGIC
19 OCTOMBRIE

SLUJBA
SF. CUVIOS
IOAN
DE LA RILA
ADUCEREA II MOAȘTELOR



KIEV, 1893



Мѣсяца Окто́врія въ 19-й дѣнь Служба святаго и преподобнаго отца нашего Іоанна Ры́льского

ВЕЧЕРЬ,

Блаже́нъ му́жъ, [1-й антифо́нъ]. На Го́споди
воззва́хъ: **стихи́ры** [на 8], гла́съ 1: Подо́бенъ:
О, дивнаго чудесе́!

Въ по́стницѣхъ возсія́вшему прообра́зованіе,
пусты́нное воспитаніе, Сре́дческаго
свѣти́льника, словесы́ пѣ́сненными, вси́ вѣ́рнии,
похва́лимъ, зову́ще: ра́дуйся, вели́кая сла́ва, я́же
въ на́ша дни яви́ся, преблаже́нне. **[Два́жды.]**

Посреди́ двою́ животу́, разу́мнѣ́ богоуго́дно
мѣ́рило поста́вилъ еси́, о́тче, и́бо тлѣ́ющая
оста́вилъ еси́, разу́мѣ́въ же прі́сно пребы́вающа
Христа́ Бо́га, и То́му́ прави́ло ду́ши твоея́
успе́рдно, блаже́нне Іоа́нне, прилѣ́пилъ еси́.

Ра́дуеши́ся ви́дѣвъ соверше́ніе трудо́въ
твои́хъ, ихже́ о́ко не ви́дѣ, ни у́хо слы́ша, но
добро́ты райскія́ имѣ́я свѣ́товозда́ніе по́двигъ
твои́хъ, исто́чае́тъ благода́ть тво́й гробъ, и тѣ́ло
имѣ́й неразруши́мо.

Ины стихиры, гласъ 8. Подобень: О, преславнаго чудесѣ!

Ихже око не видѣ,* ни уxo слыша,* ни на сердце человека възидоша,* яже уготована Богомъ, Того возлюбльшимъ,* сихъ ты возжелѣлъ еси, Іоанне богодохновенне.* Возненавидѣлъ еси мірское смѣшеніе,* къ Богу единому притеклъ еси,* и Того благодати присно насыщаяся,* молися Ему прилжно, спастися душамъ нашимъ. **[Дважды.]**

Разума свѣтлостію украсився,* заповѣдми Божественными* просвѣтилъ еси душу твою,* но и о тлѣющихъ мимоходящихъ небрегъ еси,* земная вся оставивъ,* въ пустыняхъ жити изволилъ еси.* Христовы заповѣди соблюлъ еси,* Іоанне преподобне,* Егоже моли, да спасетъ души наша.

Любезно Владыцѣ вожделѣлъ еси,* отъ младыхъ ногтѣй Того совершая повелѣнія,* благодатию паче, нежели млекоу воспитанъ былъ еси,* и тѣло твоѣ украсилъ еси* цѣломудріемъ и чистотою,* и суща въ дому Божіи присно желая,* Христа обрѣлъ еси,* Того, преблаженне, умоли,* да спасетъ души наша.

Слава, гласъ 8:

Божій Духъ изліяся, якоже святыій Іоиль прорече, отъ Негоже движимъ, намъ,

вѣрующимъ, тайны Божія явленно открывааетъ, иже дѣтель Его пріемый. Тѣмже Божиимъ свѣтомъ просвѣти насъ и благодатию.

И нынѣ, богородичень:

Царь Небесный [за человеколюбіе на земли явіся и съ человеки поживе, от Дѣвы бо Чистой плоть пріемый и изъ Нея прошедый съ воспріятіемъ, единъ естъ Сынъ, сугубъ естествомъ, но не впостаію. Тѣмже, совершенна Того Бога и совершенна Человека воистинну проповѣдающе, исповѣдуемъ Христа Бога нашего: Егоже моли, Мати Безневѣстная, помиловатися душамъ нашимъ].

Входъ. Прокимень дне. Чтенія три.

Премудрости Соломона чтеніе. [Глава 5 и 6.]

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради пріимутъ царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Пріиметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Пріиметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко

отъ благокру́гла лу́ка облако́въ, на намѣ́реніе полетя́тъ, и отъ каменомѣ́тныя я́рости испо́лнь паду́тъ гра́ды. Вознегоду́еть на ни́хъ вода́ морская, рѣ́ки же пото́пятъ я́ нагло. Сопро́тивъ стане́тъ имъ ду́хъ си́лы и, я́ко ви́хоръ, развѣ́етъ ихъ, и опустоши́тъ всю зе́млю беззако́ніе, и злодѣ́йство преврати́тъ престо́лы си́льных. Слы́шите у́бо, ца́ріе, и разу́мѣ́йте, навѣ́кните, суді́и концевъ зе́млі. Вну́шите держа́щи мно́жества и гордя́щіися о наро́дѣхъ язы́ковъ, я́ко дана́ е́сть отъ Го́спода держа́ва ва́мъ и си́ла отъ Вы́шняго.

Премудрости Соломо́ни чтѣ́ніе. [Глава́ 3.]

Праведныхъ ду́ши въ руцѣ́ Бо́жіей, и не прикосне́тся ихъ му́ка. Непщевани бы́ша во очесѣ́хъ безу́мныхъ умре́ти, и вмѣ́нися озлобле́ніе исхо́дъ ихъ, и е́же отъ насъ ше́ствіе — сокруше́ніе, они́ же су́ть въ ми́рѣ. Ибо предъ́ лицемъ́ челове́ческимъ, а́ще и му́ку при́имутъ, упова́ніе ихъ безсме́ртія испо́лнено. И вма́лѣ нака́зани бы́вшие, великими благоде́тельствовани бу́дутъ, я́ко Бо́гъ искуси́ я́ и обрѣ́те ихъ досто́йны Себѣ́. Я́ко зла́то въ горни́лѣ, искуси́ ихъ и, я́ко всепло́діе же́ртвенное, прія́тъ я́. И во вре́мя посѣ́щенія́ ихъ, возсія́ють, и я́ко і́скры по сте́блю, потеку́тъ. Су́дятъ язы́комъ и облада́ють лю́дьми, и воцари́тся Госпо́дь въ ни́хъ во вѣ́ки. Надѣ́ющіися На́нь разу́мѣ́ютъ і́стину и вѣ́рніи въ

любви́ пребу́дутъ Е́му, я́ко благода́ть и ми́лость въ преподо́бныхъ Е́го и посѣще́ніе во избра́нныхъ Е́го.

Премудрости Соломо́ни чтѣніе. [Глава́ 4.]

Праведникъ, а́ще пости́гнетъ сконча́тися, въ поко́и бу́детъ. Ста́рость бо честна́ не многолѣ́тна, ниже́ въ числѣ́ лѣ́тъ исчита́ется. Съди́на же е́сть му́дрость чело́вѣкомъ, и во́зрастъ ста́рости — житі́е несквѣ́рное. Благоуго́денъ Бо́гови бы́въ, возлю́бленъ бы́сть, и живы́й посредѣ́ грѣ́шникъ, предста́вленъ бы́сть. Восхище́нъ бы́сть, да не зло́ба измѣ́нитъ ра́зума е́го или́ лѣ́сть прельсти́тъ ду́шу е́го. Раче́ніе бо зло́бы помрача́етъ до́брая и паре́ніе по́хоти, премѣ́няетъ у́мъ незло́бивъ. Сконча́вся вма́лѣ, испо́лни лѣ́та до́лга, уго́дна бо бѣ́ Господеви ду́ша е́го, сего́ ра́ди потща́ся отъ среды́ лука́вствія. Люді́е же ви́дѣвше и не разумѣ́вше, ниже́ поло́жше въ помышле́ніи тако́вое, я́ко благода́ть и ми́лость въ преподо́бныхъ Е́го и посѣще́ніе во избра́нныхъ Е́го.

На стиховнѣ́ стихи́ры, гласъ́ 1. Подо́бенъ:

Всехва́льнии му́ченицы.

Зритель бы́сть умо́мъ* мы́сленныхъ си́лъ,* я́ко дѣ́латель Боже́ственныхъ словесѣ́* полага́я во твоёмъ се́рдцѣ.* Въ нѣмже́ восхожде́нія,* я́ко лѣ́ствицу утверди́лъ еси́,* Іо́анне преподо́бне

о́тче на́шъ,* моли́ся дарова́ти на́мъ ми́ръ* и ве́лю ми́лость.

Стихъ: Че́стна предъ Го́сподемъ* сме́рть преподо́бныхъ Его́.

Ио́анне преподо́бне,* твою́ отъ дѣ́тска возложи́лъ еси́ жи́знь* Христу́ Бо́гу на́шему,* Имже укрѣ́пляемъ,* плотскія стра́сти* по́мыслу повину́лъ еси́,* ху́ждшее покоривъ́, лу́чшему.* Тѣ́мже моли́,* спасти́ся душа́мъ на́шимъ.

Стихъ: Блаже́нъ му́жъ, боя́йся Го́спода,* въ за́повѣдехъ Его́ восхо́щетъ зѣ́ло.

Богому́дре о́тче на́шъ Ио́анне,* свѣ́тильникъ яви́лся еси́ ве́ликъ,* просвѣ́ща́я подсо́лнечную* чуде́съ сія́ньми,* божѣ́ственными дѣ́лы,* тѣ́мже по успѣ́ніи* незаходи́мый Свѣ́тъ прі́я.* Сего́ ра́ди моли́* спасти́ся душа́мъ на́шимъ.

Сла́ва, гла́съ 8:

Христо́во избра́нное ста́до, вѣ́рныхъ собо́ри, новосвяще́ннии лю́діе, прии́дите, стеце́мся вси́ къ честнѣ́й па́мяти преблагѣ́ннаго о́тца на́шего Ио́анна, въ Сре́дцѣ́ возсія́вшаго, къ на́мъ прише́дша. Се́ предлежи́тъ на́мъ свяще́нное его́ тѣ́ло, вѣ́ры на́шея честное́ утвержде́ніе, преподо́бныхъ, я́ко вои́стинну, украше́ніе. Да посра́мятся ерети́ческая собо́рища, не вѣ́рующая

воскресѣнію: сѣй бо по смѣрти зракъ даѣтъ, хромымъ хожденіе, слѣпымъ прозрѣніе, разслабленныя стязаѣтъ, и Правовѣрнаго Императора нашего **[імярекъ]** укрѣпляетъ на враги противныя. Духомъ же предстоя у престола Владычня, моли въ спасѣніи душамъ нашимъ.

И нынѣ, богородиченъ:

[**Б**езневѣстная Дѣво, Яже Бога неизреченно зачѣвши плотию, Мати Бога Вышняго, Твоихъ рабовъ мольбы приими, Всенепорочная, всѣмъ подаючи очищеніе прегрѣшеній, нынѣ наша моленія приѣмлющи, моли въ спасѣніи всѣмъ намъ.]

Тропарь, гласъ 1:

Покаянія основаніе, прописаніе умиленія, образъ утѣшенія, духовнаго совершенія, равно ангеломъ житіе твое бысть, преподобне, въ молитвахъ убо и пощеніихъ, и въ слезахъ пребывая, отче Іоанне, моли Христа Бога о душахъ нашихъ.

[Слава, и нынѣ, богородиченъ:

Гавріилу вѣщавшу Тебѣ, Дѣво, радуйся, со гласомъ воплощашеся всѣхъ Владыка въ Тебѣ, святѣмъ кивотѣ, якоже рече праведный Давидъ, явилася еси ширшая небесъ, поносивши Зиждителя Твоего: слава Всельшемуся въ Тя;

сла́ва Проше́дшему изъ Тебе́; сла́ва
Свободи́вшему насъ Рожде́ствомъ Твои́мъ.]

НА УТРЕНИ,

**[На Бо́гъ Господь: Тропа́рь преподо́бнаго,
два́жды. Сла́ва, и ны́нѣ, богоро́диченъ.]**

По 1-мъ стихосло́вию съда́ленъ, гла́съ 4.

Подобе́нь: Ско́ро предвари́.

Воздержаніемъ увяди́лъ еси́ плотскія стра́сти,
ми́лости возда́ниемъ, благода́ть вели́кую, о́тче,
духо́вную воспри́ялъ еси́. Тѣмъ благоугоди́лъ еси́
Бо́гу, досто́инъ сосу́дь чуде́съ и по кончи́нѣ
явился еси́, о́тъ страсте́й очища́я насъ, Іоа́нне
преподо́бне, моли́ Христа́ Бо́га грѣ́ховъ
оставле́ніе дарова́ти, честву́ющимъ любо́вию
святу́ю па́мять твою́. **[Два́жды.]**

Сла́ва, и ны́нѣ, богоро́диченъ:

Обнови́ла еси́, Чи́стая, Божество́ннымъ
Рожде́ствомъ Твои́мъ истла́вшее во страсте́хъ
земноро́дныхъ ме́ртвенное существо́ и воздвигла
еси́ вся́ о́тъ сме́рти къ живу́му нетла́нію. Тѣмже
Тя́ по до́лгу блажи́мъ вси́, Дѣ́во
препросла́вленная, я́коже прорекла́ еси́.

По 2-мъ стихословіи съдаленъ, гласъ 5.

Подобень: Собезначальное.

Постника Господня пѣсньми почтимъ, яко умертвившаго прилоги страстей воздержаніемъ твёрдымъ, и терпѣніемъ войстинну посрамивша сопротивнаго врага и всю его гордыню низложивша, и нынѣ молящася, помилуватися душамъ нашимъ. **[Дважды.]**

Слава, и нынѣ, богородичень:

Ужасно чудо зачатія и несказаненъ образъ Рождества въ Тебѣ познася, Приснодѣво Чистая, ужасаеъ мой умъ и удивляеъ помышленіе, слава Твоя, Богородице, во всѣхъ прострѣся, ко спасенію душъ нашихъ.

[Величаніе:

Ублажаемъ тя, преподобне отче Іоанне, и чтѣмъ святую память твою, наставниче монаховъ и собесѣдниче ангеловъ.

Псаломъ избранный: Терпя потерпѣхъ Господа, и внятъ ми и услыша молитву мою...]

По поліелѣи съдаленъ, гласъ 8. Подобень: Премудрости.

Пастырскую хитрость воспріимъ, монашествующихъ столпъ и основаніе, разумнѣ упаслъ еси стадо твоѣ: Христова бо вождельвъ Божественная ученія, въ нихже просвѣтилъся

еси́, преподо́бне. Тѣмже къ рѣвности а́нгельскаго житія́ воздвигла́ еси́ всѣхъ единомудренно́ славити́ Бо́га, богоно́се Іоа́нне, моли́ Христа́ Бо́га, грѣховъ́ оставленіе́ подати́ чтущимъ́ любовію́ святу́ю па́мять твою́. **[Два́жды.]**

Сла́ва, и ны́нѣ, богоро́диченъ:

Пречі́стая Дѣ́во, Ма́ти Бо́жія, душі́ моея́ страсти́ лю́тыя исцѣ́ли, молю́ся, и прощѣ́ніе да́руй мнѣ́ моихъ́ прегрѣ́шеній, я́же безумнѣ́ содѣ́яхъ, ду́шу и тѣ́ло оскверни́хъ, ока́янный. Увы́ мнѣ́, что́ сотворю́ въ ча́съ о́нъ, внегда́ а́нгели ду́шу мою́ разлуча́тъ отъ стра́стнаго моего́ тѣ́лесѣ? Тогда́ Помо́щница мнѣ́ бу́ди и Предста́тельница теплѣ́йшая: Тя́ бо има́мъ наде́жду, раба́ Тво́й.

Та́же, степѣ́нна, 1-й антифо́нъ, 4-го гласа. Прокі́менъ, гласъ 4: Честна́ предъ́ Господе́мъ* сме́рть преподо́бныхъ́ Его́. Сти́хъ: Что́ возда́мъ Господе́ви о всѣхъ́, я́же воздаде́ ми? Ева́нгеліе́ преподо́бническое́ [Матѳе́я, зача́ло 43].

По 50-мъ́ псалмѣ́ стихи́ра, гласъ 6:

Преподо́бне о́тче, во всю́ зе́млю изы́де вѣща́ніе исправле́ній твои́хъ, тѣ́мъ на небесѣ́хъ обрѣ́ла еси́ мзду́ трудо́въ твои́хъ, де́монскія́ полки́ разруши́ла еси́ и а́нгельскія́ дости́гла еси́ чи́ны, ихже́ житію́ безъ поро́ка поревнова́ла еси́.

Дерзнове́ніе имѣ́я ко Христу́ Бо́гу, ми́ръ испроси́ душамъ́ на́шимъ.

**Кано́нъ Богоро́дицы со ирмосомъ на 6, и
свята́го на 8, егѣ́же краегране́сіе: С**вяти́телю,
пою́ твоя́, всеблаже́нне, чуде́са. **Гла́съ 4.**

Пѣ́снь 1.

Ирмо́съ: Ли́цы израи́льтести́и, невла́жными
стопа́ми по́нтъ Чермный́ и вла́жную глублину́
прогна́вше, вса́дники триста́ты враги́ ви́дяще
въ не́й погруже́ны, съ весе́ліемъ пояху́: поимъ́
Бо́гу на́шему, я́ко просла́вился.

Божество́ннымъ свѣ́томъ осі́янъ и со а́нгелы,
о́тче, ны́нѣ водворя́ешися, моли́твами твои́ми
спаса́й творя́щія всегда́ свяще́нную твою́
па́мь, въ радости пою́щія: поимъ́ Бо́гу на́шему,
я́ко просла́вился.

Пу́ть, и́же къ жи́зни возводя́щій неукло́нно,
преблаже́нне, шество́валъ еси́, избѣ́гъ мятѣ́жей
ми́рскихъ, и де́монская смущѣ́нія разори́лъ еси́,
ра́достно взыва́я, о́тче Іоа́нне: поимъ́ Бо́гу
на́шему, я́ко просла́вился.

Умертви́въ плотско́е мудрова́ніе, твои́ми
по́стными боро́еньми, Божество́нному Ду́ху
покори́лъ еси́, окормле́ніемъ Божество́нныя
си́лы, ра́достно вопія́лъ еси́: поимъ́ Бо́гу на́шему,
я́ко просла́вился.

Вся красная оставилъ еси, непрестанную, отче, возлюбилъ еси красоту, въ дому Господни, идѣже шумъ празднующихъ, радостно поющихъ: поимъ Богу нашему, яко прославися.

Богородичень: Безлѣтна Сына изъ Безначальна Отца, плоть насъ ради въ чловѣцехъ бывша, во утробѣ зачѣнши, подлѣтомъ сего родила еси несказанно, Емуже радуешься, вопіемъ: поимъ Богу нашему, яко прославися.

Катавасія: Отверзу уста моя...

Пѣснь 3.

Ирмосъ: *Лукъ сильныхъ изнеможе, и немощствующи препоясашася сілою, сего ради утвердися въ Господь сердце мое.*

Закону повинулся еси Духа, егоже всѣмъ, преподобне, предложилъ еси. Грѣха же закону изволеніемъ не повинулся еси.

Горѣ къ Богу мудрованіе имѣя, отче, яже на земли оставилъ еси, болѣзными воздержанія непрестанно облегчаемъ.

Растерзавъ юзы естества, преестественнымъ чистымъ житіемъ, богоносне Іоанне, вышеестественныхъ пріялъ еси дѣйство.

Да Богу, блаженне, безъ смущенія бесѣдуеши, въ пустыни жити, отче, изволилъ еси, отъ молвы удаляясь.

Богородичень: Спасти́ восхотѣвъ чело́вѣка на по́лезное, я́ко Благодѣ́тель и Чело́вѣколюбе́ць, въ Твою́ утробу́ неопи́санно, Богома́ти, всели́ся.

Сѣда́лень, гла́съ 1. Подо́бенъ: Гро́бъ Тво́й.

Воздержані́я огне́мъ, я́ко зла́то въ пе́щи, му́дре, иску́сѣвъ, свѣ́тлѣйші́й яви́лся еси́, Іоа́нне преподо́бне, тѣ́мже къ небе́сному преста́вился еси́ Ца́рствію. Сего́ ра́ди вѣ́рою ты восхваля́юще, вопі́емъ: благода́ть, и ми́лость и очище́ніе согрѣ́шеній на́шихъ, о́тче, испроси́. **[Два́жды.]**

Сла́ва, и ны́нѣ, богородичень:

Наста́ви мя́ на пу́ть пока́янія, преблага́го прогнѣ́вавши Го́спода, неискусобра́чная благослове́нная Ма́ріе, прибѣ́жище отча́янныхъ чело́вѣковъ, Бо́жіе вмѣ́стилище.

Пѣ́снь 4.

Ирмо́сь: *Съ́дѣй въ сла́вѣ на Престо́ль Божества́ во о́блацѣ́хъ ле́гѣхъ, прі́иде Іису́съ Пребоже́ственный, Нетлѣ́нною Дла́нію и спасе́ зову́щія: сла́ва, Христе́, си́ль Твое́й.*

Обветша́вшаго чело́вѣка а́біе совлѣ́кся, о́тче, со грѣ́ховными стра́стьми, воздержані́емъ незави́стнымъ обле́кся еси́ въ но́ваго по Христу́, всече́стне.

Свѣ́тлое твоѐ житі́е, я́ко пра́вило извѣ́стно, въ тебѣ́, о́тче, божѣ́ственныя добродѣ́тели показáся,

въ моли́твахъ и поще́ніихъ, во бдѣ́ніихъ же и
мо́льбахъ, я́же ко Христу́ Человѣ́колю́бцу.

Дрема́нія твои́мъ очесе́мъ не да́ль еси́,
преподо́бне, до́ндеже, о́тче, хра́мъ себе́
сотвори́лъ еси́ прекра́сенъ всеви́дющему
Влады́цѣ, къ Нему́же вызы́аеши: сла́ва си́лѣ
Твое́й, Го́споди.

Богоро́диченъ: Умерщвле́нныя, Пречи́стая,
человѣ́ки оживи́ла еси́, Жизнода́вца ро́ждши
избавля́ющаго отъ тли́, вызы́ающіа Ему́: сла́ва
си́лѣ Твое́й, Го́споди.

Пѣ́снь 5.

Ирмо́съ: *Просвѣще́ніе Твое́, Го́споди, низпосли́
на́мъ и отъ мглы́ прегрѣ́шеній разръши́ ны,
Бла́же, Тво́й ми́ръ да́руяй.*

Въ ю́ности му́дрость, въ ста́рости ра́зумъ, во
все́мъ житі́и пожда́ніе и долготерпѣ́ніе, и е́же ко
все́мъ любви́ показа́лъ еси́, блаже́нне.

Вперивъ, сла́вне, душе́вный ра́зумъ, и
чу́вства, му́дре, окормивъ, бы́лъ еси́ хра́мъ
освяще́нъ Бо́гу че́стенъ.

Украси́лъ еси́, преподо́бне, души́
тричи́сленное, и влады́ку у́мъ поста́вивъ,
имѣ́юща Христа́, наставля́юща тя́ къ ше́ствию
небе́сному.

Богородичень: Дѣва роди Пречистаго Бѣга, законъ полагающа, всѣмъ человѣкомъ Спасителя, благочестіе сущимъ на земли возвѣщающа.

Пѣснь 6.

Ирмосъ: *Возопи, прообразуя погребеніе триднѣвное, пророкъ Іона, въ китъ моляся: отъ тли избави мя, Іисусе, Царю силъ.*

Въ пустыни жити усердно возлюбилъ еси, богоносне, въ нейже Бѣга пріемля избавляющаго тя, и соблюдающаго твоя стопы.

Непреклоненъ въ пустыни, богомудре, претерпѣлъ еси, даже и до кончины храня сіе опасеніемъ, имже нетлѣнному сподобился еси наслажденію.

Равноангельно на земли пожилъ еси, равноангельную чѣсть достойно получилъ еси, со ангелы всѣми Бѣгу предстоя.

Богородичень: **Зачала** еси во утробѣ, Богомати, безначальнаго Бѣга Слѣва, насъ ради въ человѣцѣхъ бывшаго, по намъ непреложна, во двѣ знаема естеству.

Кондакъ, гласъ 8. Подобенъ: Взбранной.

Ангельскому житію поревновавъ, преподобне, вся земная оставивъ, ко Христу притеклъ еси, и Того заповѣдми ограждався, явился еси столпъ

непоколебимъ отъ вражіихъ нападєній. Тѣмъ зовѣмъ ти: радуйся, отче Іоанне, свѣтило пресвѣтлое.

Икосъ:

Въ мѣртвеннѣмъ тѣлѣ, а́нгельскому уподо́бльшася житію́ па́че естества́, и съ тѣми на небесѣхъ лику́юща, приидіте, всі́ вѣрніи, воспоемъ преподо́бнаго Іоанна: той бо́ яко уméты вѣ́нни мірская́ вся красная́, яко да небесныхъ получи́тъ, вше́дъ на го́ру якоже дре́вле Моисей вели́кій и Ілія́, постомъ очи́щся, сподо́бися ви́дѣти Тро́ическую Свѣ́тлость, ни во мра́цѣ, ни въ вихрѣ́, но во свѣ́тѣ благода́ти Бо́жія. Тѣмъ и чудесъ́ лучи́ испуща́я свѣ́тло, исцѣ́ленія рѣ́ки источа́я вѣ́рнымъ отъ гроба́, яко живъ́ недуговъ исцѣ́литель, сего́ ради зовѣмъ ему́: радуйся отче Іоанне, свѣтило пресвѣтлое.

Пѣснь 7.

Ирмосъ: Спасый во огні́ авраа́мскія Твоя́ о́троки и халде́и уби́въ, я́же Пρά́вда пра́ведно уловля́ше, препѣ́тый Го́споди, Бо́же оте́цъ на́шихъ, благословѣ́нь еси́.

Вы́шнею си́лою Бо́жія по́мощи, враги́ низложи́лъ еси́, побѣдоно́сецъ бы́лъ еси́, зовый́: препѣ́тый Го́споди, Бо́же оте́цъ на́шихъ, благословѣ́нь еси́.

Очи́стивъ мгла́ отъ стра́сти бы́вшую, безстра́стіемъ просвѣ́щенія озари́вся, зовый преподо́бне: препѣ́тый Го́споди, Бо́же оте́ць нашихъ, благослове́нь еси́.

Уязви́въ ду́шу добродѣ́тельными лѣ́потами, красе́нь добро́тою бы́ль еси́, Го́споду пое́ши, ра́дуюся: препѣ́тый Го́споди, Бо́же оте́ць нашихъ, благослове́нь еси́.

Богоро́диченъ: Призыва́я ны́ плѣ́нныя, Дѣ́во, во е́же бѣ́хомъ въ нача́лѣ, во чре́во Твое́ всели́выйся, вопло́щся Чело́веколю́бець Госпо́дь.

Пѣ́снь 8.

Ирмо́сь: *Отроки благочести́выя въ пе́щи Рождество́ Богоро́дичо спасло́ е́сть, тогда́ убо образу́емое, ны́нѣ же дѣ́йствуемое, вселе́нную всю́ воздвиза́етъ пѣ́ти Тебѣ́: Го́спода по́йте, дѣ́ла, и превозно́сите Его́ во вся́ вѣ́ки.*

Глаго́лы жи́зни вѣ́чныя, преблаже́нне, въ се́рдцы твоёмъ при́ймъ, плоть увяди́ль еси́, мі́ру же умертви́ся, живонóснымъ умерщвле́ніемъ одѣ́ався. Го́спода по́йте, и превозно́сите Его́ во вся́ вѣ́ки.

Мило́стива бы́ти, богоно́сне, Еди́наго Благоде́теля моли́, твою́ пречестну́ю па́мять пра́зднующимъ, согрѣ́шеній оставле́ніе сѣ́мъ дарова́ти.

Воззрѣніемъ къ Богу непрестанно внимаѣя, отонудуже нѣкоего сіянія зарю приимъ, свѣтъ неугасимый, яко зеркало, посылаеши, поющимъ: Господа пойте, дѣла, и превозносите Его во вся вѣки.

На лѣствицу, къ небесі простѣртую, на нейже утверждѣнъ Господъ явіся, отче, вшѣлъ еси, божественными восхожденіи преспѣвая, преподобне, дондеже достигъ еси совершеніе желаемыхъ, поя: Господа пойте, дѣла, и превозносите Его во вся вѣки.

Богородиченъ: Поѣмъ Тя, Обрадованная, Бога бо воплощенна намъ родила еси. Тѣмже Тя Богородицу вси именуемъ, богопріятную утробу, доброту Іаковлю, Господа воспѣвающе, и превозносяще Его во вся вѣки.

Пѣснь 9.

Ирмосъ: *Ева убо недугомъ преслушанія клятву вселила естъ, Ты же, Дѣво Богородице, прозябѣніемъ чревоношенія мірови благословѣніе процвѣла еси. Тѣмъ Тя вси величаемъ.*

Слезами по́стническими бразду напоилъ еси, радуешися, отче богоно́сне, нынѣ радостію рукоя́ти собира́я по́двиговъ по́чести, тѣмже ты́ вси ублажа́емъ.

Незаходимый возсія тебѣ Свѣтъ, присносу́щее весѣліе воспрія, идѣже лику́я со а́нгелы о́крѣтъ

Царя́ и Го́спода, вѣроу творящихъ па́мь твою́ помина́й, о́тче всеблаже́нне.

Возмо́гъ де́моновъ убѣжа́ти стрѣля́нїи и кова́рствъ лука́выхъ, спа́сся еси́, блаже́нне. Отону́дуже ду́ша твоя́ свята́, чиста́ и нескве́рна, наслажде́нїя небе́снаго сподо́бися. Помина́й чту́щїя тя́.

Зако́номъ, о́тче, страда́льческимъ подви́заяся, и побѣди́лъ еси́ де́монскїя полки́. Тѣмже́ ты сла́вою вѣнча́ешь, я́ко Еди́нъ Благоде́тель по́честей, и Божество́ннаго свѣтоявле́нїя сподо́би, божество́ннымъ наслажде́нїемъ.

Богородиченъ: Я́ко всѣхъ тва́рей Творца́ ро́ждши, Богома́ти, превозшла́ еси́ всю́ тва́рь божество́нною сла́вою, свѣтостїю́ и благода́тїю, и вся́кїя добродѣ́тели бо́льши, тѣмже́ Ты́ вси́ велича́емъ.

Свѣтиленъ. Подобенъ: Не́бо звѣзда́ми.

Ангельскаго житїя́ жела́я, удали́лъ еси́ себѣ́ въ пусты́няхъ, и стра́сти покоривъ́ плотскїя, ра́венъ а́нгеломъ яви́лся еси́, о́тче нашъ́ Ио́анне богоно́сне. **[Дважды.]**

[Сла́ва, и ны́нѣ,] богородиченъ:

Державнымъ Твои́мъ покрóвомъ, отъ вра́гъ навѣ́та, Чи́стая, Твоя́ рабы́ соблюди́ ны́ вся́

невредны, Тя бо имамы Едину приближище въ женахъ.

На хвалитехъ стихиры на 4, гласъ 8.

Подобень: О, преславнаго чудесе!

Преподобне отче Іоанне,* ты іго Христова на рамо вземъ,* доблественнѣ найтіе* вражіе попраля еси.* Тѣмже ты вѣрою вси почитаемъ,* о, преблаженне, монашествующихъ похвало!* Тѣмже Христа* непрестанно моли,* спасти души наша. **[Дважды.]**

Вѣрою сошедшеся вси,* яко постника ты Христова чествуемъ, Іоанне.* Радуюся убо шествовалъ еси* въ пустыни непроходнѣй, мудре,* наставникъ бывъ честенъ.* Тѣмже тебѣ мы вѣрою взываемъ, блаженне:* постниковъ похвало,* о насъ молися ко Господу,* помиловатися душамъ нашимъ.

Преподобне отче нашъ, Іоанне,* будущія ради жизни,* въ каменныхъ пропастехъ* и въ дрѣвѣ заключился еси,* никакоже бояся невидимыхъ врагъ,* многаши толцанія творящихъ къ тебѣ.* Ты же молитвами твоими сихъ безъ вѣсти сотворялъ еси,* о, терпѣливый душею!* Въ пустыни Рыльстѣй, чудное овча,* Христа Агнца Пастыря имѣя.* Тѣмже вѣрою вси ты чтимъ и ублажаемъ.

Сла́ва, гла́съ то́йже:

На не́бо теку́щую вше́дъ колесни́цу, чу́дне, добродѣ́телей, дости́глъ еси́ кра́йнее житі́е воздержа́ніемъ. Въ пусты́ни живы́й, смотре́я вы́шняго Іерусали́ма красоту́, и болѣ́зни по́двиговъ досто́йно почести́ при́ймъ, съ небесными́ ра́дуешися чинонача́ли, преблаже́нне, вѣ́чныхъ бла́гъ наслѣ́дникъ, Ца́рствія жителѣ́ бывъ. Но моли́ся, богоно́сне Іоа́нне, Спа́су всѣ́хъ, уми́рити мі́ръ и спасти́ ду́ши на́ша.

И ны́нѣ, богоро́диченъ:

Влады́чице, при́ими моли́твы ра́бъ Твои́хъ и изба́ви на́съ отъ вся́кія ну́жды и печа́ли.

Славосло́віе вели́кое. [Ектені́й], и отпу́стъ.

НА ЛИТУРГІИ,

Блаже́нна отъ канона́ свята́го, пѣ́снь 3-я и 6-я. И прочая́ служба

преподобническая. [Прокі́мень, гла́съ 7:

Че́стна предъ Го́сподемъ* сме́рть преподо́бныхъ его́. **Сти́хъ:** Че́то возда́мъ Го́сподеви о всѣ́хъ, я́же

воздаде́ ми? **Апо́столь, къ Гала́томъ,**

зача́ло 213. Аллилу́ія, гла́съ 6: Блаже́нъ му́жъ,

боя́йся Го́спода, въ за́повѣ́дехъ Его́ восхо́щетъ

зѣ́ло. **Сти́хъ:** Си́льно на землі́ бу́детъ сѣ́мя

его́. **Ева́нгеліе** **отъ** **Луки́,** **за́ча́ло 24.**
Прича́стенъ: **Въ** па́мьть вѣ́чную бу́детъ
пра́ведникъ, отъ слѣ́ха зла́ не убо́ится].

Источникъ: **Миніа, мѣсяцъ Окто́врій.** —
Кіевъ: Въ тѣпогра́фіи Кіево-Пече́рской Ла́вры,
1893. — Л. 161 – 166 об.

